

雪橋詩話

下

標點索引本  
楊鍾羲撰集  
遼瀋書社







# 雪橋詩話三集

湘陰左孝同署

雪橋詩話

南林劉氏  
求恕齋

序

古今詩話皆摘其逸豔，奪其芳馨，而人與時或不暇論似公穀之說春秋，但明一義，無以觀其會通。獨左氏之傳，嬪媵家世旁連交友，並其時之升降，無所不載。聖遺同年之爲此書，有似之者，談詩而懷國政，念舊俗，繫族世序，交游正得論世知人之旨，非徒博掌故已也。南豐劉氏之爲通議，略與之合，然其人自稱通隱，而時有惡辭。聖遺以先朝翰林守江寧，有循聲將駸駸向用矣。國變後，遁居滬濱，其所交皆遺黎遯叟，文行兩美之士，不沽屠沽一錢半菽，以賣文自活，於世俗無所詘，境日殷而氣大昌，志彌潔而文以芳，故其爲書，連泆激清，豁於故實，廣言似諷，正言似訴，質言似箴，文言似騷，滅沒於驪黃之中，而翔翥於埃壘之外，一寫其忠愛悱惻而已。語副其人，人副其事，以是眇魏晉而晤羲皇可也。予交聖遺三十年，自別京師，又屢見於漢上，不意相從於此，數數過其寓廬，述往事，發憤懣，蓋身蹇而情親，神沁而道合，非世俗之所爲交也。嘗以名聲五百歲相助，予至今媿不逮其言，而聖遺遠矣。爰舉左氏義以相況，勿視爲摘豔奪芳之書，則聖遺之情見，而古人之情亦無不可見，此說書之皆也。

雪橋詩話三集序

一求恕齋

宣統十一年己未二月二十六日長水金蓉鏡

雪橋詩話三集序

一求恕齋

序

止頤居士苦行人也。外樸內朗，無大過，亦無出入人事。年二十五登朝，不爲晚，讀書半袁豹，不爲愚，口無臧否，不爲不至慎，澄之不清，撓之不濁，不爲不自容，聖書褒勉上徹，天聰不爲不遇，而汝汝閭閻，萬事蹉跎，不能有所表襮於當世，嘗習爲文辭矣，應奉文字，未一當筆，預修典實，程課獨勤，分校春秋試，得士踰額，而適爲同館所不悅，光緒中葉，異說未起，當途有講漢學者，居士好古訓而不以考據名，有談道命者，居士頗自愛而不以理學重，有尙經世之務者，居士亦通知國故而不能以筆札脣舌譁世取寵，從吾所好，聊自怡悅而已。乞外十稔，守故官，官制旣改，才諳之士多不次進用，居士錄錄不一登殿廷，備宣室之問，家世京輦，而五陵裘馬，有僞楚之譏，廣場密坐，無耳語亦無驚人之談，名士或目爲禮俗，達官又病其高簡，海內不知有此儒，行省不知有此吏，江南瓦解，以親老弟廢，不忍爲東海之蹈狹廬專室，長物蕩然，故人有閔其窮者，束脩之奉，升斗之貸，倚恃爲活，至於今茲，仕不爭利於朝，隱不爭名於市，少愛鈔書，不能以院體博輜軒之使，壯習唐法，不能以北碑通篆隸之郵，文章無宗派，吟詠無專攻，傭書之

雪橋詩話三集序

一求恕齋

暇閉戶課子，惟日鈔撮故事以爲雅談。冷暖自知，如魚飲水，承幹無似，竊喜能知居士之爲人，旣爲刻雪橋詩話初、二集矣。茲三集成書，復爲刊布，以見其避地之久，而困學之勤。世有王勝之其人，或能卒讀一過也。己未仲冬長至日，吳興劉承幹。

雪橋詩話三集序

二 求恕齋

雪橋詩話三集卷第一

求恕齋叢書

遼陽楊鍾義撰集

吳興劉承幹參校

歸元恭明季逸事野錄序略云：昔燕都淪陷，毒痛盈宇，于是紫蓋渡江，南都擁立。史大司馬電發金陵，榮陰知奮，詰父之徒，從表驚景，燥者晞陽而集，溼者識陰而歸。若史公得究其志，或掩江漢，帶閩越，猶未裸龍章而悲離黍也。迨公出鎮，柄臣負乘章賂，鴟鴞集林，歸昌鏃，翮宮鄰金虎，各以類從。珍瑰晝列，龜紐夜懸，騁暴清流，將肆鉗網。皇盾猶存，璇宮可辨，振彼窮饜，高張羅織。憾先帝于九京，報桐封之宿釁。于是寧南悍卒，以保青宮，清君側爲辭，瓜步內虛，壽春外叛，士不晨服，軍不夕燧，史公授命，闕燼成蕪，羣奸之罪，其有旣乎？子懼後世傳者之失實也，就所憶質言之，平言之，後世得以考焉。其援遼錄記申元渚叩李成梁邊事曰：凡所有健兒，恣其所好，衣服飲食，子女第宅及呼盧俠邪之類，有求必予，但令建功。當其窮時，則貸之，責以劫帳，先登計級受賞，卽除前貸。故人皆樂爲之用。然李氏之費，初以養健兒者，繼漸移以結朝貴。撫按出都，必預有以張之。山人墨客，求朝貴書出游者，以李氏爲利藪。當成梁如松之貴，與

雪橋詩話三集卷一

一 求恕齋

之語皆媿媿精當及如柏輩與言皆贖甚如標出鎮不  
過以孝廉五六人計偕寓其家上疏舉之能廷弼至卽  
糾如標十大罪下獄擬辟廷弼剛而驕嚴而不當寧遠  
一役袁崇煥實爲首功刑浮于罪孫承宗練而才不能  
無欲杜松勇而疏劉綎爲勝祖大壽家富而勇非有心  
負國滿桂勇而廉然羣帥不服一戰而蹶政府中樞尤  
多負國張江陵當國九邊之事如視諸掌葉臺山每邊  
臣書疏手自裁答崇禎朝爲中樞者梁廷棟稍可持論  
至爲平允惟於吳三桂有恕辭焉我朝與明戰屢得風  
霾之異魏默深皇朝武功樂府天助師一章實專詠之

雪橋詩話三集卷一

二 求恕齋

元恭亦言遼事之起每當破城殺將天象必變靡不彰  
明較著惟南都已無咎徵豈天以爲無足警哉其言至  
痛然明季學士大夫尙有講學之遺風宵小僉王猶知  
清議之可畏元恭序言有云墮三百之緒折九萬之絃  
徒使草野遺黎荷鉏削棘大澤枉呼望璇樞而撫心歎  
雲庭而致命貞臣失氣烈士飲哀璇鏡不輝珠囊猶抗  
哀哉蒼天此何人哉代異時移讀之神往拙著必託始  
勝國之遺民者意亦在此

萬年少爲僧後以書畫自給李舒章假歸道過淮安年  
少以僧服見舒章望之泣下曰李陵之罪上通于天矣

雪橋詩話三集卷一

三 求恕齋

年少嘗自作背立小象顧云美爲題扶要道人四大字  
云道人扶要不可折杖而扶之曰非敢學古人也病  
未能耳因自寫照而顧蒼書其卷端自題云此壽道人  
自寫小照也寄語世間人言視其背其面目不足觀也  
又自書小傳云萬壽字內景好讀書善楷隸守咫尺之  
志不慕榮利甲申乙酉天下大亂避地潯爲賊所掠不  
屈久之還南村貧甚負囊自給操行勤苦或時爲人傭  
書彈琴賦詩以自娛樂每念生無益于世沒且與草木  
同腐朽將修身卻垢以求出世之道學于沙門名曰慧  
壽號明志道人己丑中風痺此身既廢因思古人有以  
惡疾成道者遂自爲贊贊曰既與之以貧復中之以惡  
疾是天之厚施之也厚施者不能報則終身隨之吾與  
天游乎後復題云草間無事灌鋤既罷輒自弄筆墨戲  
作此卷定巖見而愛之遂以爲贈定巖曰海內多故山  
川間之異時出此卷如對道人余笑曰千里相思一夕  
命駕子從此將滅影人間乎不能則數百里間十日往  
還耳子何念之深也建安孫陵壽如學于年少此卷旣  
歸定巖壽如爲作隰西草堂圖于後壬辰年少至吳郡  
登定巖之堂復爲題識數行案隰西草堂文集自志篇  
云作入對圖第一居墓圖第二受業圖第三泛湖圖第

四負囊圖第五靜攝圖第六劉湘跋稱自志共有八圖今止存其六此扶要圖當卽八圖中所缺之二南村蓋淮市所居雜詠詩所謂築圃南湖西淮流灌其下者也。有赤脚僧者初不知其何許人嘗過婁上踵吳梅村之門梅村止之宿越一夕議論不合遂辭去癸卯春任無錫之長春庵雖溽暑嚴寒足不躡芒屨晝則乞食于市。三步一拜口不知誦何經喃喃若有所語邑中好事者輒食之日不再食每至申黃門家則急趨而過甲辰十一月忽至齋主家告別眾詰其將何之曰吾無所往行且永訣耳臨歿作書致吳門李侍御子木自述爲山西

雪橋詩話三集卷一

四求恕齋

太原人崇禎辛未進士申酉以後遁跡至此屬焚其骸無歸葬平時養一雞自隨至是謂其雞曰吾死後誰飼汝盍隨我去越一日雞亦死嘉定趙哲庵克聲赤腳僧詩廿載拋家作遠行蕭然瓶鉢一身輕江潭憔悴靈均淚蜀道崎嶇子美情冰雪歲殘思舊臘風波海沸隔西京泉臺知有英靈在仍挾天雞候曉鳴

唐實君題先師朱昭芑先生遺像云夫子誰儔匹吾猶及典刑道風傳泗水學海極滄溟博物稱文府熏人是德馨時逢遷亳社不擬裸周廷偕隱田居室深棲野史亭鑽研讐往紀寂寞抱遺經萬卷判頭白千秋待汗青

共瞻通德里獨指帝車星朝議思周黨鄉人敬管寧但看鴻避弋誰想鳳儀庭案昭芑名明鎬太倉人十七補諸生爲復社名宿與周子俶齊名稱朱周讀書手自勘讐朱黃鈞貫有史典史幾史略史風史游史嘉史芸史異史最史俳史鑿史粲史糾十三種會世變絕意仕進詔舉山林隱逸學官以其名聞以死自守卒于壬辰吳駿公爲志其墓實君自成童許爲國器實君詩所謂都講堂前立微言帳後聽曾誇雲際鶴媿老案頭螢者也至稱其未病時夢上帝使人趣召及病革夢白神來迎則未免語怪矣

雪橋詩話三集卷一

五求恕齋

無錫黃漢臣馬大林齊名偕隱樂道安貧爲里閭所矜式秦留仙里兩翁詩白楊蕭蕭起夕風高墳古碣千山空人生貴賤等爲死文采吾悲里兩翁兩翁生長梁溪城死同涕淚生齊名九原不作黃江夏四壁今無馬長卿長卿早入金閨籍家世才華照東壁白馬青絲白面郎二十登朝人嘖嘖一自黃巾破故都君家文肅獨捐軀痛哭君親慘天地芒屨投隱在江湖湖邊花柳芳菲節花色殷紅杜鵑血只道先生愛看花月落空山心寸折文賦江南庾子山流傳筆墨在人閒酒酣向我一揮灑半落秋銜風雨還自說前身老衲子心空妙解無生

理。每將止觀教黃翁。他時共出青蓮裏。黃翁多病苦著書。柴門高柳城東居。三更熟火因煨芋。五月披裘非釣魚。早謝青衫甘韋布。圖書考索從無誤。高文金石滿名山。細字巾箱不知數。精研梵夾幾春秋。學餌丹砂悔白頭。摩詰中年修淨業。樂天老去覓丹丘。空有文章誇屈宋。草堂萬卷無人誦。執紼貧交范式看。傳經弟子侯芭重。兩翁吾里真典型。一時彫謝愁晨星。遞相祖述杜陵意。後生誰者窺門庭。我今哭兩翁。襍被入東魯。欲將西風淚。灑作泰山雨。一洗秦皇無字碑。不隨文士歸黃土。秦安車中作也。

雪橋詩話二集卷一

六求 紹齋

明遠藩裔。術桂字天球。由輔國將軍依唐藩閩中。封寧靖郡王。崎嶇兵閒。無成事。窮蹙竄海外。迨鄭氏歸命。無所之。遂自經死。臨終書絕命詞云。艱辛避海外。總為幾莖髮。于今事畢矣。不復采薇蕨。聞者悲之。時年六十六。葬鳳山竹瀝里。姬侍從死者五人。蓋康熙二十二年癸亥六月事也。有玉帶流傳民間。武陵朱幼芝為賦。一元子玉帶歌云。臨濠龍種岐海死。以數莖髮為終始。鼎移社屋逾三紀。毅魄猶依故遼邸。可憐赤嵌城。夜夜荒雞鳴。可憐竹瀝溪。年年杜鵑啼。九十年來同聲哭。絕島無祠薦秋菊。麝香亦賸幾抔土。遺帶遺餘一束玉。帶兮帶

兮。當年玉人用意琢百鹿。那知一旅無成莽馳逐。幸也末路完其璞。皓潔奇姿出陳櫝。君不見。七客寮中信國

硯。玉帶生歌酬唱徧。不惟其物惟其人。正氣常留石一片。我今為帶作此歌。歌成信手書壁窠。誰歎和歌謝皋

羽。勿煩屬筆趙孟頫。范九池五妃墓詩序謂施襄壯克對曰。王生俱生。王死俱死。遂同棺堂上。五妃哀氏。王氏秀姑。梅姑。荷姑。墓在臺灣縣仁和里。

熊蔚懷司空贈八大山人詩。高士南州邈。東湖煙雨寒。伊人千載後。秋水一編看。把卷吟詩好。聞名見面難。相

期拾瑤草。長嘯碧雲端。杯巒供放眼。城市即山中。子亦巖棲者。將無玩世同。絕祛名士態。定許酒人通。笑彼雲

煙客。崎嶇走雪風。程柯坪題其菌筍圖云。誰能畫菌如畫芝。銅釘茁土儂。濯滋誰能畫筍如畫荻。凍雷怒蟄錦

棚坼。山人泚筆絕藝兼。圓堆壞笠犀擢尖。伊蒲饌淨谷神醒。損蔬不受肥糲黏。石城回首烽煙動。朱邸繁華成

昔夢。寄生已分笑靈椿。結實何心飼饑鳳。一龕枯坐雪

鏡昏。薇蕨西山忍共論。君不見。國香零落鷗波沅。芳草

王孫斷客魂。

徐元歎居落木庵。斷炊絕粒。靈巖退翁分鉢中餐。以周之。他有所遺不屑也。嘗以庵地質錢於靈巖。繼公手書券。而華山藥公為之居間。藥公嘉魚熊魚山開元為僧。

住蘇州之華山，名正志，號蘄庵者也。落木庵券，舊藏鱗溪海會寺，並元歎遺像在焉。朱西生詩云：落木歸根定幾時，一庵猶是費支持。亭中搆史中州集，江上招魂上峽詩。遊客貧來惟賣屋，故人難後已披緇。可憐家國飄零者，佛火空堂淚暗垂。蘄公抗疏重前朝，淚血河山歲月遙。鶴羽飛邊禪錫住，龍髯攀後劫灰銷。巢由結屋真多事，支許同林定久要。今日天池秋草徧，一杯殘茗話僧寮。蘄庵，天啟乙丑進士。初仕吳江令，晉吏垣。崇禎壬癸間，直諫拜杖。康熙乙卯，駐錫吳江，距作令時五十年矣。沈永令贈詩有：士女爭來瞻瑞相，拈花舊是宰河陽。

雪橋詩話三集卷一

八 求如齋

之句。其落帽石詩云：空山冷落一危冠，敢道威儀似漢官。祇爲儒家收不住，特留當路與人看。亭林有同王元倬及楚二沙門泛舟之作，二沙門謂魚山及髡殘也。髡殘，號石谿，湘潭人。濟陽陳蒼屏明經王政，屢徵不起。種藝自給，張稷若訪之，值其灌園，退而賦詩云：擾擾當時士，日夜幾能休。夫子何獨爾，意靜如懷秋。散髮自灌園，繡纈對平疇。高柳拂清襟，濯漱有寒流。我來適見之，下風依颺颺。開顏獎弱植，酌我餉餘甌。慰我屢空懷，訓言日夕周。吾道有通塞，此外更何求。再拜識此意，歸理柴車齋。卒於順治癸

巳。稷若爲撰墓表，稱其整潔和厚，遠物役，絕名累，善治經，游其門者無敢自軼，誠高人之逸軌也。同邑金溫其上舍式玉，鄧溫伯訓導光玉，均與稷若善。溫伯讀蒿庵閒話贈稷若云：十年成一車，未可行山谷。非不美輪轅，崎嶇慮折軸。荆榛絳輪牙，崖壑多局促。所以阮籍輩，每至窮途哭。澤中有雷隨，且向此中宿。溫其小園獨酌，憶張汗漫云：開尊對籬圃，綠蔭慊幽心。花氣微通袂，松風時動琴。避人謀自得，采菊興仍深。忽憶同心侶，狂懷滿古今。汗漫，稷若別號。

雪橋詩話三集卷一

九 求如齋

嘗見倪文正詩畫冊，題者爲潞河門下士張文珽，明天官尚書郎西泠張中發，南山逸史陳子鼎，實庵吳趨後學葉襄聖野，西陵門下士吳山濤，晉江舊史慈齋黃文煥，會稽唐九經豫公，鈞史查繼佐，伊璜氏，皆遺民也。胡介彥遠以所畫茅亭清樾與舊作橫山訪江十一浩詩神似，卽以此詩題其後。詩云：山曉晴暄似早春，孤懷直上四無鄰。踏星入塢已千里，負手獨行無一人。出澗清泉驚世俗，向山白鳥絕風塵。何時下馬投鞭去，萬壑千峰一个身。張吏部詩云：故林不可望，勉向東南飛。桑柘何萎黃，使我初願違。束身同萋草，冉冉忘朝暉。陌葵恣霜露，各自競芳菲。時節變晷候，况復別早微。憶我吳門

友咳唾盈珠璣。文章不易貧。妻子恆苦饑。士窮節乃見。耿耿神相依。欽子存今是。感我昧昨非。曾無裘與葛。空爾念緇衣。秋風發清飈。颯颯動荆扉。東海豈不潔。慙媿首山被。亦答吳門友人舊作。而似履上者。履上。蓋文正之孫。中發稱履上爲表弟。文正其外祖行也。

鄞縣葛同果。明崇禎庚辰。以第二人及第。授編修。爲端敬殿講讀。較書官。以親喪歸家。居三十年。范忠貞撫浙。薦不起。著昭忠錄。紀北都死事。南都死事。封疆死事。吳青壇七君子詩。稱爲躬耕老泉石。樂道以長終者也。

雪湖楊高士秋。字碩甫。吳江平望人。爲瞿忠宣幕賓。忠

雪橋詩話三集卷一

十求恕齋

宣殉粵西之難。高士慟哭軍門四日。收遺骸。歸葬虞山。康熙辛酉。陸清獻遇之于虞山。爲序其詩。明豫章宗室乞食來吳。居高士家三載。學仙。指松爲姓。故虞山立松仙祠。以高士配。虞山拂水巖雙忠祠。祀忠宣及張都督同儕。高士亦配食焉。林垓村尙書題其遺像後云。孤臣灑血殉蒼梧。義士招魂到海虞。劫換紅羊忠骨在。歌殘朱鳥淚痕枯。三軍動色愁風洞。一老歸踪話雪湖。奚取松仙同配食。新祠拂水薦生芻。意有軒輦。然松仙亦何可多得。湯誼卿彭城詠古云。更生原是楚藩宗。經學當時子駿功。猶有外家封事在。如何竟作國師公。讀之一

慨

楊雪臣有辨正整庵困知記一書。詩曰。旭樓集。自題旭樓小照云。扶桑原有日。日日上檐楹。負曝將安獻。朝陽自有情。問年疑隔世。顧影媿平生。衰老君無慮。南山酒共傾。不眠云。忽憶丁年無限事。難調子夜不眠心。元日云。空勞天地能留我。敢向松喬更乞年。安溪所謂有子房之心。靖節之操者也。其答錢行父論管夷吾不死云。召忽固臣節。仲也生亦仁。一死良所易。聖賢重生民。反面任貽譏。識者得其真。安能守區區。坐見斯世淪。雖無鮑叔知。而志在必伸。試問求生者。誰爲匡濟人。意重收

雪橋詩話三集卷一

十求恕齋

句。讀者勿以詞害意可耳。

盧紫房胥鈔役竣。祭告少陵云。鈔杜爲新本。磨鑄苦未精。十年曾有約。三歲始能成。尙覺留遺憾。還期畢此生。焚香重下拜。一片古今情。又有讀杜微吟五言律十首。取材本集。其詩云。何氏山林好。重游興未闌。平明尋杜濟。乘雨過蘇端。崔李無新態。阮朱作古歡。慙慙憐衛八。兒女媚盤餐。勝絕東樓會。清宵晏左莊。茶瓜齊己屋。圖畫贊公房。司馬攜錢助。倉曹饋醬嘗。古溝名丈八。妓舫納浮涼。布襪青鞋淨。恣游遠近村。讀書花嶼麗。燒藥竹齋溫。杜曲神恆往。仇池意每存。但能成小築。隨處武陵

源纔得東柯谷，西枝又有村。醉眸收錦里，老腳放夔門。  
所至營茅宇，臨行贈果園。江天雲霧裏，寂寞少微尊。把  
臂逢高李，酒酣登吹臺。岱宗青未了，函谷紫還來。雲木  
朝光集，金銀夜氣開。後園山腳近，屢上亦悠哉。結束游  
山寺，聞鐘發省深。慈恩高塔唱，歷下古亭吟。萬丈潭澄  
目，千秋雪洗心。躊躇無限事，一一寄登臨。追酬常侍作，  
隣友望南雲。鄭重張顛字，推崇庾信文。情親哀司業，年  
老惜將軍。最是難堪處，行經太尉墳。文章驚海內，詩卷  
破來新。卽事非今古，高歌有鬼神。李蘇師友密，陶謝弟  
兄親。乃祖無遺恨，慈孫是替人。

雪橋詩話三集卷一

十三 求恕齋

董蒼水訪沈友聖村居，有高士寡所營，雅懷在行素之  
句。友聖名麟，青浦人。寒夜寄候研德云：雲樹三江路，星  
河半壁天。分襟將判月，安枕是何年。霜重蟾尤苦，風高  
澤腹堅。邇來增繳滿，雁帛莫輕傳。足以覘其慎密。董闔  
石送友聖適楚云：才調東陽迴出羣，況逢閨閣更能文。  
河梁詩句知多少，惜別何人似細君。則其室人亦工詩  
也。

江都范德一，上舍荃，原名恆美。慕其先文穆公之詩詞，  
亦號石湖。隱居北湖黃珏橋。博學多文，爲童子師，供菽  
水之奉，生徒多列科第。戒之不許言師名。婦王，椎髻大

布，有梁孟風。與徐石麟、羅煜以詞相倡，爲北湖三子詞  
將卒，自題墓碣曰：今之石湖。所著詩文雜著數十卷，詳  
焦里堂北湖小志。

崑山奚濤，字大蒙，自號肆間，著肆間堂詩，有鬼神無禍  
福，詩酒有乾坤之句。徐大臨過白坊村，居訪大蒙先生，  
云：放棹前溪去，閒尋隱士村。水枯魚汕出，門破麕籬存。  
麕部狂堪吏，中書老欲髡。愛君吟好句，詩酒有乾坤。耆  
舊今凋謝，如君復幾人。破家團死士，屈首老頑民。腸斷  
西臺哭，心甘北阮貧。鳧鷖煙水裏，長寄肆閒身。蓋志節  
之士也。

雪橋詩話三集卷一

十三 求恕齋

高象先斗樞，以戊辰進士，按察鄖陽。有守廉紀略，詩曰：  
蠶叢集，四皓出山歌。和楊次莊云：洒上龍準翁，躍馬麾  
區甸。秦慝已芟夷，凜風皇路扇。倬彼商山叟，鶴書置勿  
眛。長歌采紫芝，俯視圭組賤。乍從留侯招，一侍璇宮宴。  
莊詞安儲位，迅舉不容胸。斯時漢鼎新，英髦訴相見。隨  
陸頰文采，崛起登皇選。輓輅裨光宅，絲葛膺龍眷。惟有  
秦邵侯，瓜疇矢靡變。四叟何爲者，葆真絕秦冑。先已謝  
秦官，今復羞漢殿。驕餌固所吐，玄感亦何羨。古來箕顛  
客，恥聞放勳禪。時平遜轉深，莫作終南術。其志事略見  
此詩。送王雙白歸吳中云：九夏尙留吾黨在，千秋肯負

異時心和萬履安獨坐詩云物態總如橘化枳身名詎必疏輸稅全謝山稱其詩橫厲樂府雄視當時卒于康熙庚戌年七十七。

吳漁山少同王石谷學於西廬老人善畫山水墨竹嘗從石谷借大癡陡壑密林圖軸數年不還石谷索之急乃語人曰石谷吾友也陡壑密林吾師也去吾師不如斷吾友遂絕交詩及書法並工棄家讀書香山巖已復寓膠生崇禎壬申康熙五十七年戊戌卒年八十七張雲章爲作傳錢虞山謂漁山不獨善畫其詩思清格老命筆造微蓋亦以真畫爲之非欲以塗朱抹粉爭妍於

雪橋詩話三集卷一

西求恕齋

時世者題畫贈玉谿云春山花放棹晴湖日載詩瓢與酒壺客此十年游興減畫圖追寫亦模糊懷陸子上游在日本云春已暮子未歸扶桑日出早練水落花稀人傳久在長祢島海闊蒼茫鳥不飛翁正三題漁山山水卷云借詩論畫吾誰徵石谷我朝之右丞四王蟬聯到墨井或以麓臺當少陵張庚亦以詩品畫謂石谷可漁洋朋能近取爲墨井譬吾意欲以秋谷稱頗聞當時石谷擬亦若王趙名相矜此卷正爲石谷作海舫初返禪窗凭自題云康熙乙亥秋耕煙先生見於屬寫吳子修則謂後浮海去不知所終石谷亦崇禎五年生康熙庚子卒年八十九沈歸

愚撰墓志則謂卒康熙丁酉年八十六與墓表同

程正夫論詩謂不孤不可與託想不清不可與寄逕孤矣清矣又當入之以厚馮大木謂蕙庵先生詩穩聲順勢頓句安章若安流之帆康衢之駕下坂之丸隨風之揮蕙庵正夫別號也嘗與王北山同聽亭林講易亭林贈以十卦取爲齋名其酬亭林次韻見和詩有老鯨枉憶三星戶困學仍居十卦齋之句巢燕詩謂草堂中舊燕營巢別有數燕來助成其工而去家人識之謂數燕故其子也詩云故是先年燕營巢役眾雛羣來飛歷亂款語意歡娛桑土同爲計芹泥各有輪服勞人子事爲汝一長吁有比興之義焉

雪橋詩話三集卷一

西求恕齋

臨川劉命清穆叔家虎溪里以諸生丁國難屏跡林泉自號漁叟嘗館於施愚山與高阮懷陳伯璣相倡和其狂歌痛哭往往見于論史中如謂管幼安之賢與華歆肆業之久矯枉之跡已窺其微特未忍遽絕也及豔心於乘軒戀金於鉏菜始慨然割席曰子非吾友蓋窺歆之深當其驟得虛譽不欲敗之故僅託細行以遠之爾京房對主之言分別君子小人辭婉而切惜庸主不悟遂致隕身郭璞日中之筮懸言逆謀無成雖知命盡頃刻而不爲兇威所怖二人皆死于忠而非以術喪身也

碌碌者以成敗毀之，與譏劉蕡爲浚恆者等。庾子山作周朝誌，狀碑錄，不過備寫富貴勳階，獨于吳通昭既序其梁齊之功，復歎其降周之辱。至云：「侵陵醉尉，浚轢故侯，以氣疾增暴而終，傷溫序之游魂，慘蘇韶于永夜，自吐胸臆，寄恨流離。」哀江南賦，慟切梁朝，雖享周祿，弗爲快也。爲早計者，主辱臣死上也。否則，削跡林邱，締念鐘簾可也。若依違非所，受制圈牢，身名俱敗，何嗟及矣。皆足見其胸次之所存。

雪橋詩話三集卷一

七求恕齋

李杲堂選甬上耆舊集，署名爲胡文學。黃黎洲選姚江逸詩，鄔靜嶽大參景從刻之。黎洲不欲自居其名，歸美於大參。自序謂：「孟子曰：『詩亡，然後春秋作。』是詩與史相表裏。中州集以史爲綱，以詩爲目，此選亦此意也。駱兩山兵部過山西題韓信廟云：『逐鹿中原戰力微，登壇一劍漢光輝。足曾躡後猶封土，心未猜時尙解衣。黃石不驚炎火熾，赤松先伴白雲歸。英魂漫灑荒山淚，秋草長陵久落暉。』李空同見之曰：『此題淮陰絕唱也。』山西士大夫因空同言，遂作詩版懸之。倪小野曰：『近日不信詩而信人也如此哉。』黎洲於兩山小傳著此語，其於風雅衮鉞，有獨任其責之意在矣。乾隆間，張羅山廷校復編國朝姚江詩存十二卷，耆舊如呂夢園、譚曼方、邵得魯、朱

雪橋詩話三集卷一

七求恕齋

楚嶼，杜戶浩歌，其詩僅有傳者。曼方，初名立卿，後更名宗，其古繪賦，弔落梅賦，見明文授讀。夢園，名章成，改輯梁周興嗣千字文，紀有明一代事實，商寶意稱其詞賅而義嚴，得魯，名一貫，晚居福巖會下，與葉巖稱莫逆交，與兄以發得愚，有「二陸龍躍之響」。呂夢園稱其以忠孝筭，挺爲辭柯，深幽雄放，各擅一幟。楚嶼，名之嶼，躬耕四明，其游仙詩，寄旨遙深，含耕幽怨。有云：「子房瀟灑人，早歲友黃綺。自見長桑君，慷慨念國恥。吁嗟一擊誤，飛跡千里徙。浮沈問黨間，潛蹤尤譎詭。故人采紫芝，匿影空山裏。故使圯下翁，脫屣示深旨。嚴霜下五更，對語興亡理。際會及風雲，婉孌出餘技。俯仰思舊游，浩然不可止。不師黃石公，去從赤松子。亦所謂古心獨抱者也。」海寧沈天目，崇禎壬午，授漳浦令，福藩南建，鄭芝龍擁兵跋扈，遣裨將徵餉於漳，罵擲其檄，不顧，劾罷去。黃石齋賦詩贈行云：「爛石愚溪各小山，但無芝草媿商顏。數行鳥跡沙田外，一幅漁蓑風雨間。世道自隨人變化，野花聊與竹爛斑。不堪垂老看新麻，賴爾巾車數往還。天目別石齋先生詩，有「何人敢罵平原坐，百藥難醫屈子窮之句」。本朝以大理寺評事徵，不起，築老圃堂終隱焉。

孝豐施伯文顯謨前明中書舍人崇禎中棄官歸結茅郭家隴口去西圩村居三里而近署曰知夢庵營生曠於後山之麓甲申後臥疾庵中不復出題詩庵壁有投足小園聊當宅傷心故國獨登樓之句自號松庵有詩云閑嬉歲月和松老玩適溪山伴月華十載歸來猶穩臥諸公強半已無家七世孫辛蘿孝廉有知夢庵展先舍人墓詩

倪文貞子會鼎字子新與從兄恆園杜門養親持身高潔子新謁文信國祠云天地於今留正氣故鄉何必遂黃冠康熙十年詔舉山林隱逸有為推轂者力辭之

雪橋詩話三集卷一

六求恕齋

名德爲一鄉推重魏忠節孫少野爲庶常學濂子詩如陸翼王題先庶常絕命詞賦謝云圖存特表姜維節忍死終明許遠心題齋壁云只爲門風差自愛卻于世路重人憎皆能不爲山公所誤者也

胡孝轅纂唐音統籤子夏客助其摺摭少以諸生貢成均鼎革後隱居不仕有谷水集詩學溫李句如何日芭蕉心盡展通宵蝴蝶夢空飛免藥不靈遮一半鷲花漸老賸三分均足徵其微尙免藥一聯意尤渾婉蓋唐桂二王時作

卓珂月讀方水弟別東園詩詩以慰之云且休問此徑

誰開萬古誰非過客哉吾不必將吾室愛後當復有後人來自是達人高且中病起詩憶友終朝如有失傷貧一旦欲無家亦人意中所欲言

徐元歎寄邵陵王侍臣云土壁昏燈雞再曉夜闌樓色轉低迷秋來積水無情闊此夕愁君夢畫溪待臣名嗣翰幼從父官蘇州因留讀書白下元歎嘗爲序其六聲亭草

越入夏古丹本姓胡明季避亂析姓爲名隱居歸安之上強山白太傅詩爲耽山水住南州行盡天台及虎丘惟有上強精舍寺最堪游處未曾游巖壑間鑄最堪游三字署白某題蓋

雪橋詩話三集卷一

五求恕齋

好事者卽此山也古丹家藏壺盧所作詩輒投其中因爲之其集口壺盧藏稿沒後葬山下里人朱又琳縣丞榮第詩崇安家世亂離身天寶當年此避秦一卷壺盧留古洞滿林黃葉葬詩人斜陽空對閣中影芳草難尋去後塵我亦上強苦吟者墓門瞻拜重酸辛弔古丹先生墓作也又琳爲古微前輩諸父有上強山館吟草其上強山尋精舍寺故址云行盡西巖翠靄深木魚經卷總消沈惟餘一勺寒泉水流向空林作梵音江州司馬何曾到今日荒煙更愴神我恨來遲公去早千秋同是未游人

明王文肅公賜莊在太倉州西之歸涇中有農慶堂爲  
煙客太常讀書處順治壬辰太常自繪二圖其題歸村  
圖云籬落參差屋數楹青衫笠笠課農耕西田雨過秧  
鉞綠原隰風來麥浪平香稻宿儲春作飯吳菘新長摘  
成羹呼僮爲置門前榻向午貪陰坐豆棚題農慶堂讀  
書圖云忽忽吾心意不如悠悠此世計全疏曉來到晚  
一無事翻盡牀頭百卷書與梅村所作歸村躬耕記合  
裝一卷雍正甲寅張瓜田得此卷題三絕句云八尺藤  
牀手自支西田賞菊撲琴絲柳煙欲上不得上正是籬  
樓話雨時農慶堂近煙波宅菱藕香濃自掩關何事釣

雪橋詩話三集卷一

王求恕齋

船長不弄煙巒只畫大癡山正壑雲煙有性情書禪詩  
意總無聲急須料理書千卷莫對屠沽與論兵要其不  
忘先朝守先疇以送餘齒畫其餘事也

郭些庵戊子詩注里中土鬼假興義名放火劫財魚肉  
鄉井文武官衙皆空頭劊子或并劊付亦無者其詩感  
時書事足當詩史而才豪氣猛矢口成音倪文正贈以  
詩有愛他風骨耐他癡之句鄧湘臬謂鼎革之間如些  
密二公郭都賢倡社於湘中邵陵一老車以主盟於資  
峽夕堂陶汝賢浩歌猿洞居然正始之音長史鄧祥高詠  
鹿厓宛具初唐之格虎塘劉象須竹唐端具體少陵樵

隱朱之江聲蔣之希蹤坡谷又若馮介烈第一之嚴冷幽

峭郭遺民金臺之簡遠蕭疏黃九煙周星之馳驟譎詭鄒良

厓魯統之僻苦棘澀長蒼父子楊嗣昌之奇偉蒼鬱食苦

兄弟唐誠之清厲悽愴至若屢徵不起之潘章辰應九

死不悔之夏叔直弼刻苦自厲之陳耳臣五鼎沈晦無名

之程貳委本負氣不屈之王稚潛乾功高不居之陳迺

錫宏各有千載自成一家按陶密庵卽忍頭陀詩已錄

入明詩綜車以遵號劬園有高霞堂集鄧鹿厓嘗官岷

藩長史劉虎塘與船山交好唐須竹一字躬園船山弟

子朱之宣自號砍柴行者蔣之榮與同郡趙友沂郭幼

雪橋詩話三集卷一

王求恕齋

隗齊名湘臬拈其送青原和尚句云容僧便覺天恩大  
出世方知佛法寬謂具此眼界宜其睥睨一切馮介烈  
附見明史忠義列傳郭遺民本姓陳恪勤卽其家孫鄒  
良厓桂王時中書舍人唐訪字周之晚視髮築食苦庵  
以終誠號缺庵癸未進士嘗入粵助瞿忠宣守桂林後  
隱秦人山與潘章辰皆屢徵不起劉杜三詩所云蠶甜  
舉國隨花去蟲苦終身抱蓼迷者也夏叔直號蓮冠道  
人屢見船山集中入九疑山絕粒死陳耳臣有雨餘堂  
集程貳委有柿葉圍集王稚潛有黃雪圍集其送章辰  
兄歸威溪云登高已自謝才名詩卷相看氣漸平乍笑